



Javno komunalno preduzeće

**KOMUNALAC**

društvo sa ograničenom odgovornošću Tuzla

Adresa: Ul. 4. Aprila 7A

75000 Tuzla, Bosna i Hercegovina

PDV: 209232530007 | ID: 4209232530007

Račun Intesa Sanpaolo Banka: 154-360-20047448-17

Račun Raiffeisen Banka: 161-025-00008400-67

Račun NLB Banka: 132-100-2005649-123

Račun Sparkasse Banka: 199-050-00062280-77

Račun Nova Banka: 555-50000348449-81

telefon: 00387 35 302 555 | fax: 00387 35 302 556 | komunalac@bih.net.ba | www.komunalac.com.ba

Broj: 01-2123/24-6

Datum: 28.11.2024. godina

Na osnovu člana 64. stav (1) tačka a), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14, 59/22 i 50/24), te na Preporuku Komisije za javnu nabavku broj: 01-2123/24-5 od 27.11.2024. godine, u postupku javne nabavke zaštitne opreme za radnike, direktor JKP „Komunalac“ d.o.o Tuzla je donio

## ODLUKU o izboru najpovoljnijeg ponuđača

### Član 1.

**Prihvata se Preporuka Komisije za javne nabavke, broj: 01-2123/24-5 od 27.11.2024. godine i ugovor za javnu nabavku zaštitne opreme za radnike se dodjeljuje ponuđaču „Albo“ d.o.o. Banja Luka, ponuda broj QU72/3172/2024, zaprimljenoj kod ugovornog organa pod brojem 01-2323/24 dana 15.11.2024. godine, po cijeni od 63.363,10 KM bez PDV-a, kao najbolje ocijenjenom ponuđaču.**

### Član 2.

Prijedlog okvirnog sporazuma o nabavci dostavit će se na potpis izabranom ponuđaču „Albo“ d.o.o. Banja Luka, po proteku roka od 15 dana, računajući od dana kada su ponuđači obaviješteni o izboru najpovoljnije ponude.

### Član 3.

Za izvršenje ove odluke zadužuje se i ovlašćuje Odjel za javne nabavke.

### Član 4.

Ova odluka dostavit će se svim ponuđačima koji su učestvovali u postupku javne nabavke, shodno članu 70. Zakona o javnim nabavkama.

### Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke zajedno s Zapisnikom o ocjeni ponuda, shodno članu 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-2123/24-1 od 23.10.2024. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 80.000,00 KM.

Obavijest o nabavci broj: 781-1-1-324-3-135/24 objavljena je na Portalu javnih nabavki dana 28.10.2024. godine.

Komisija za javnu nabavku imenovana je Odlukom broj: 01-2123/24-2 od 23.10.2024. godine.

Komisija za javnu nabavku dostavila je Zapisnik o ocjeni ponuda broj: 01-2123/24-4 i Preporuku o izboru najpovoljnijeg ponuđača broj: 01-2123/24-5 od 27.11.2024. godine, u postupku javne nabavke zaštitne opreme za radnike.

U postupku dalje je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije) ponude
- da je blagovremeno zaprimljeno 2 (dvije) ponude.
- da nije bilo neblagovremenih ponuda
- da je 1 (jedna) ponuda prihvatljiva
- da je 1 (jedna) ponuda neprihvatljiva.

Ponuda ponuđača RM Company d.o.o. Zenica je neprihvatljiva u skladu s članom 2. stav 1), podtačka 2) Zakona o javnim nabavkama BiH („Sl. glasnik BiH“, broj 39/14, 59/22 i 50/24).

Naime, pomenuti ponuđač u svojoj ponudi za stavku pod rednim brojem 4 u obrascu za cijenu ponude – Radna cipela duboka dostavio je cipelu koja ne odgovara traženoj specifikaciji. Tenderskom dokumentacijom u Aneksu 3 navedeno je za pomenutu stavku „antistatik đon od poliuretana“, u ponudi ponuđača RM Company d.o.o. Zenica u Izvještaju laboratorijske analize stoji da je rezultat ispitivanja đon u kombinaciji poliuretan i guma, a što odstupa od tražene specifikacije.

Za stavku pod rednim brojem 11 u Obrascu za cijenu ponude - Jednokratne rukavice za mehaničare, ponuđač RM Company d.o.o. Zenica nije dostavio traženi certifikat iz kojeg bi se utvrdilo da ponuđene rukavice zadovoljavaju standarde BAS EN 388 nivo zaštite min.4343D, BAS EN ISO 374-5, BAS EN ISO 374-1, nivo zaštite min. tip B, EN 407 nivo zaštite min. x1xxxx. U svojoj ponudi pomenuti ponuđač za stavku pod rednim broje 11 je dostavio tehničku dokumentaciju iz koje je jasno vidljivo da ponuđene rukavice nisu u skladu s traženim karakteristikama. Aneksom 3 tenderske dokumentacije za pomenutu stavku tražene su nitrilne rukavice, dok je ponuđač RM Company d.o.o. Zenica ponudio rukavice izrađene od latexa namjenjene za korištenje u medicinske svrhe, a što apsolutno odstupa od tehničke specifikacije navedene u tendreskoj dokumentaciji.

Za stavku pod rednim brojem 19 u Obrascu za cijenu ponude – Zaštitne naočare (tamne), ponuđač RM Company d.o.o. Zenica nije dostavio certifikat da ponuđene naočare zadovoljavaju traženi standard EN 172. Pomenuti ponuđač u ponudi je dostavio certifikat na kojem je navedeno da su ponuđene naočare testirane prema standardu EN 170. Obzirom da se EN 170 fokusira na UV zaštitu, dok se EN 172 bavi širim spektrom zaštite, uključujući i zaštitu od vidljive svjetlosti, odnosno blještave svjetlosti i refleksije, dostavljeni certifikat nije u skladu s traženim u Aneksu 3 Tenderske dokumentacije.

Za stavku pod rednim brojem 27 u Obrascu za cijenu ponude - Zaštitne peračke rukavice ponuđač RM Company d.o.o. Zenica dostavio je Certifikat za ponuđene rukavice za koje je navedeno da iste zadovoljavaju standard EN 388:2016 + A1:2018 nivo zaštite 3 1 0 1 X.

Aneksom 3 Tenderske dokumentacije traženo je da ponuđene rukavice zadovoljavaju EN 388:2016 nivo zaštite 3 1 2 1 X. Obzirom da ponuđene rukavice ne zadovoljavaju minimum zahtjevanih performansi za otpornost na cijepanje, što označava da rukavice nemaju otpornost na cijepanje, iste nisu u skladu s traženom u tehničkoj specifikaciji.

Uzimajući u obzir navedeno ponuda ponuđača RM Company d.o.o. Zenica je neprihvatljiva, te ista nije predmet dalje ocjene.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. Stav 1. Tačka a) Zakona o javnim nabavkama, odlučeno je kao u dispozitivu ove odluke.

**POUKA O PRAVNOM LIJEKU:** Protiv ove odluke može se izjaviti žalba, najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi u najmanje tri primjerka.

Dostavljeno:

1x RM Company d.o.o. Zenica

1x Albo d.o.o. Banja Luka

1x a/a



Direktor

Mr. sc. Admir Bećirović